



## Meeqqanut politikki

Meeqqap Piginnaatitaaffii pillugit FN-ip isumaqatigiissutaa Kommune Qeqertalimmi tunngavittut atornerqarpoq.

- Meerartatta Kulturikkut naleqartitagut: pinnguarneq, erinarsorneq, timersorneq, qimusserneq, isiginnaartitsineq, atuagarsorneq, filmiliorneq, assassorneq aqutigalugit ineriartortissavaat.
- Meerartagut akaareqatigiinneq, ataqqinninneq, ataatsimoorneq, kammagiinneq alapernaatsuunerlu aqutigalugit ineriartortissavagut.
- Meeqqat tusaaneqarnissaat, paasineqarnissaallu aamma inuunerminnut ukiuminnullu naleqquttumik, timikkut, tarnikkut, misigissutsikkut, inooqataanermikkullu inerikkiartornissaat qulakkiissavarput.
- Ilisimatuussutsikkut paasisat uppersaasersukkat tunngavigalugit timikkut tarnikkullu meerartagut nukittuunngortissavagut.
- Meeraanermiit inuusuttuaranngornermut inerikkiartornermi ilaquuttat peqatigalugit, toqqammaveqartumik nalilersuutit, meeqqap pisinnaasaanut, piginnaasaanut aallavigalugit, ilinniaqqiffinnut inuussutissarsiuteqarluni inuuneqarnissamut aqutissiuussineq ingerlanneqassaaq.
- Aqutissiuunneqartussanut immikkullu atorfissaqartitsisunut sullissinerup pitsaanerpaamik ingerlanneqartarnissaa siunertaralugu aqutissiuussineq siunnerfeqassaaq nammineersinnaassusermik ikaarsaaqqinnissamut.
- Meeqqanut inuusuttunullu annertuumik iliuuseqarfigineqartariaqartunut aamma immikkut sullinneqartariaqartunut Kommune Qeqertalik peqatigalugu ulluinnarni inuunerannut immersuilluarnissamik siunnerfeqartumik sullissineq suleqatigiissutigineqassaaq.

Kommune Qeqertalimmi meeqqanut politikki akuerineqarpoq marts 2020.